

امور اداره و تحریریه و اعلانات و سائرہ
ایچون مدیر مسئلہ مراجعت ایدملیدر .
عرفای امتک مقالات متصوفانہ لرینہ
جریڈہ صوفیہ نک صحیفہ لری آجیدر .
درج ایدلیان اوراق اعادہ ایدلر .

جریدہ ایل صوفیہ

شیمدیلاک هفته ده بر نشر اولنور .

نسخہ سی ۴۰ پارہ در .

ابونہسی : بر سنہک اعتباریلہ ممالک
عثمانیہ ایچون ۴۰ آلتی آیلنی ۲۵ غروش
وممالک اجنبیہ ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعہ سی

تصوفی ، دینی ، اخلاقی ، سیاسی جریدہ اسلامیه در .

بك چوق مصالح ملحوظدر. (ربنماخالقت هذا باطلا) اسبابه رعایت و بومراعات ایله حقہ تفویض امر ایدرلر.
حضرت یعقوبك چوققلرینه وصیتتی قرآندن اوقوملی (لاندخلوا من باب واحد وادخلوا من ابواب متفرقة) بو نقطه لرلی ذوق ایتملی ! مقاله یی تطویل ایتملم !

آن ایشانند ومن چینم هردم

دنیلور او بحث بحث دیکردر. (یا ایها النبی حسبك الله ومن اتبعك من المؤمنین) تاثیر اسباب جائزدر. بعض وقت اسبابده تاثیر بیوروب مؤثر واقع اولور بعض وقتهده اسبابده تاثیر ظهور ایتمز. اثر اونك اوزرینه مرتب اولماز. بونی کوربیورز دكلی ؟ بعض وجود مسیبات ، او اسباب اوزرینه مرتب اولدینی کبی بعضاً اونك هیچ اثرینی کورمیورز. مطابق تاثیر اسبابی انکار ظاهردر. او تاثیر رنگ وجودده اوسببی ایجاد حق سبحانه و تعالی اعتقاد ایتملدر. بوبابده امام ربانی ایله همفکرم ناقصلر بونك عکسنی اعتقاد ایتملدر. توسط اسباب ، کمال توکل ایسهده فکر دریشانه مه کوره بوبابه دکلدر. امر واسطهده متوسطی دائره حقیقته کوریر ایسم او واسطه یی عین توکل تلقی ایدرم کورمدیکم حالده کاملرک دکل بوبابده ناقصلرک فکرنی اختیاری کننم ایچون عادتاً افتخار تلقی ایدرم هر قدر اسبابه تفویض امور ایله امر حقہ توکل طوغری ایسهده شره راضی اولمان اللهك دائره حقیقتك غیری کوردیکم شرار بر ناحق واسطه ایدوب حقلر توکلنه انتظار ایدم چونکه اوکسه دشمن حقدر. بورفرق دیققدر. بونك پایانه علم ایرشمز مستحق و نامستحق تفریق ایتملدر. حق باطلدن جدا کورن بر آدم هیچ بروقت ناحق واسطه قیلهماز. قوه ممیزه مانع اولور.
بشمز وجود ایکن اسبابه ملوغری بر جولان یایدق هر نه ایسه صدهده کلهلم :

هنوز ایوان استغنا بلند است مرا فکر رسیدن ناپسند است

بو حقایق هیچ بروقت بسیط تبعات ایله تعمیق ایدیلهمز. چالشق لازمدر. وجود مسئلهسند بر طائفه عالمی ظل حق بیلورلر و خارجده موجود اولدیفنه ذاهب اولورلر. بونیده ظلیت طریق ایله تالی ایدوب اصالت اولدیفنی ادعا ایتملر. بونلرک وجودی حق سبحانه و تعالی حضرت تلرینک وجودیه قائمدر (کقیام الظل بالاصل) بر شخصدن سایه بمقد اولورسه اوشخصك صفاتك کمال قدرتی دنی منعکس اولور علم قدرت و اراده ، الخ لذت و المده بوبلهدر.
اوشخص بر آتشه دوشمش اولسه اوشخص متألم اولدی دیکم ایسترلر.

بر طائفه کوره مخلوقاندن صادر اولان جمیع افعال ذمیمه یه فعل حق دیکم ممکن دکلدر. بونلر سایه یی کندی اراده سیله حرکت ایدر دیرلرده شخص متحرک اولدی دیمزلر. اثر قدرت و اراده اونك

اولدیفنه قائل اولملرلدر. (اثر و قدرت و اراده اوست یعنی مخلوق اوست) دیرلر خلق ؛ قبیح دکلدر بلکه فعل و کسب قبیح قبیحدر طائفه ناله نك وحدت وجوده قائل اولدیفنی اکلاذق بونلر خارجده بر موجود تلقی ایدیورلر. اوده واجب الوجوددر عالمك خارجده اصلاً تحقق وثبوتی یوقدر. (الاعیان ماشمت رایحه الوجود) دیرلر هر قدر بوجاعت عالم ظل حق سبحانه و تعالی اولدیفنی قائل اولورلر ایسهده اونك وجود ظلیسی مرتبه احسنیتدن خالی دکلدر دیرلر ! ! !

نفس الامرده خارجده عدم محضدر ذات حق صفت وجوبیه و امکانیه ایله متصفدر و مراتب تنزلاتی اثبات و ذات احدی احکام لائقه ایله توصیف ایدرلر متألم و متلذذ همان ذات حق سبحانه و تعالی درپرده و بوظلال محسوسه بر امر و همیدن عباتدر دیرلر بو طائفه هر قدر واصل و کامل ایسهده خلقی بوسوزلریله ضلالت و الحاده سوق ایدرلر و زندقیه رواج ویرلر. اعتقادات ؛ کتاب وسنه اوفق اولمی ! فقیر کوره وجود صرفك مقابلنده عدم صرف وارددر. وجود صرف حقیقت واجب الوجوددر.

حضرت وجوده مناسب اولان قدم (لوازم اوست) وجود صرف عین وجود اولدینی کبی مقابلهده عین عدمدر ای درویش عدم در دیرایسهك اعتبار خارجده لاشئ محض دیرم وجود اونك تقصیر ایشته او وجودی واجب الوجود بیلورم والسلام هر که عاشق شد اگر چه نازنین عالم است

نازکی کی راست آید باری باید کشید

مشوینخوان

عبدالله

لوامع

مابعد

۳

ولولا شذاها ما هتديح لجانها ولولا سناها ما تصورها الوهم (شذا) رائحه طيبه در (خان) میخانه معنانه اولان خانه نك جمعیدر. وجه تسمیه سی مهلكه عز و مال اولسیدر. (سنا) قصر ایله شمشك ضیائی و مدایله رفعت معنانهدر. عموماً غائبه ضمیرلری مدامیه راجعدر.

اگر او شرابك بوی خوشی ، شمیم دلگشای فایح اولسه ایدی خنخانه سی صوبنه راه صوابی کورتوره مزدم و اونك لمعه نوری ، بر تو ظهوری لایح اولسه ایدی حقیقتی تصور طریقته قدم و همی آتاما زایدم.

رباعیه

کر رهبرستان نشدی نکبت می مشکل بردی سوی میکه بی
ورجه خرد نیانی نوراوی کی درک حقیقتش توانستی کی
شرابک نکبتی سرخوشاره رهبر اولسه ایدی میکه طرفه بر
کیسه مشکل بر صورتده ایز کوتورده بیلیدی . علقک کوزی
اوباده دن تنور ایتسه ایدی حقیقتی ادراکه ناصل قادر اوله بیلیدی
ناصل !

لامعه : عشق مجازینک متعاقی اولان جمال آثاری ، محبت
حقیقینک متعاقی بولان جمال ذاتینک ظل و فرعی اولدینی کبی عشق
مجازی ده محبت حقیقینک ظل و فرعیدر . و (المجاز قطرة الحقیقة)
حکمی مقتضاسنجه اولنک طریق حصولی ، و وسیله وصولی در .

چونکه فطرت اصلیه می حسیله جیل علی الاطلاقک عزشانه
محبت ذاتیه نه قابلیت اولان ومع هذا حجب ظلمانیة طبیعیہ نک تراکمی
واسطه سیله حیز خفاده قلمش بولان بر صاحب اقباله ، اونور جمال دن
ناکاه بر پرتو ؛ موزون شمائل ، مناسب الاعضاء متماثل الاجزاء ،
رشیق القد ، صیبح الحلد ، کریم الاخلاق ، طیب الاعراق ،

رباعیه

نرین کاری خوش سخی چلاک مرهم نه داغ هر دل غمناک
همچو کک نوشکفته دامنی پاک زالایش دست برد هر بی پاک
طانی ایشلی خوش سوزلی مطبوع و مقبولسک هر مغمومک داغ
دلنه مرهم قویحسک مع هذا هر لابیالی کیسه نک الاتمی بولاشیغندن
غلبه سندن ، یکی آچلمش کل کبی پاک دامنسک .
بر دلبر صورتده آب دکل پرده سندن کورو، که باشلاسه البته
او مقبلک مرغ دلی اوکا اقبال ایدوب هوای محبتده پروبال آچار
دانه سه اسیر، دامنه شکار اولور . یوزینی بتون مقصدلردن اوکا توجیه
ایدر بلکه اوندن غیری ده بر مقصود بیلدر .

رباعیه

از مسجد و خانه بخمار آید می نوشد و مست بر دربار آید
از هر چه عشق بار یزار آید اورا هزار جان خریدار آید
مسجد و خانقاه دن میخانه یه کلوب شراب ایچر سرخوش
اوله رق یارک قابوسنه کلیر عشق یاره متعاق اولیان هرشیدن یزار
اولوب بیک جان ایله اوکا مشتری اولور . طیمتده آتش عشق ،
شعله شوق اشتعال ایدر . کوکلنک صور کونیه ایله انتقاشندن عبارت
اولان حجت کشفه احتراق ایتکه باشلار . بصر بصیرتدن غشاوه
غفلت آچیلیر .
و آینه حقیقتدن غبار کثرت سلنیر . دل و دیده سی تیزین و حقیقت
شناس اولور .

ارتق حسن سریع الزوالک نقص واختلالی اکلار . و ذوالجلالک
بقا و کمالی ادراک ایدر . اوندن فرار ایدوب بوکا آسیلیر . همان
کندیسی سابقه عنایت استقبال ایدر اولا کندیسه « جمال وحدت

افعال » ظاهر اولور . شو حالده محاضره افعالده متمکن اولدقده
« جمال صفات » منکشف اولور . و مکشفه صفاتده رسوخ بولنجه
« جمال ذات » تجلی ایدر . محبت ذاتی ایله متحقق اولوب کندیسه
ابواب مشاهده آچیلیر . « وجودی » من اوله الی آخره بر حقیقت
کورور که ظاهری جمیع شئون و اعتباراتیه باطنه ناصل تجلی ایدوب
حقائق علمی امتیاز بولمش ، و حقائق علمی باطنی احکامیه اعیان
خارجی ناصل منضیع اولوب تعین قبول ایتش ، هر نهیه مرور ایتسه
اونی بولور . هر نهیه باقسه اونی کورور . یوزینی هر لحظه کندی
مشهودینه توجیه ایدوب دیر .

رباعیه

در سینه نهان توده من غافل در دیده عیان توبوده من غافل
عمر جهان ترا نشان می جسم خود جمله جهان توبوده من غافل
سن سینه ده نهان کوزده عیان ایشسک بن غافل ایشم بر
مدتدیردرکه جهان دن سکا بر نشان آرا یوردم علی التحقیق جمله جهان
سن ایشسک مع هذا بن غافل ایشم .

بو مقامه واصل اولنجه عشق مجازینک شرابخانه عشق حقیقین
بر رانحه منزله سنده اولدینی و محبت آثارینک ده محبت ذاتی آفتابندن
بر پرتو مثابه سنده بولدینی بیلیر . فقط او رانحه می استثم ایشیدی
بو شرابخانه یه یتشه مزدی و او پرتوی بولسه ایدی بو آفتابندن
بهره مند اوله مزدی .

رباعیه

خوش وقت کسی که بوی میخانه شنید رفت از پی آن بوی و میخانه رسید
آمد برق زکوی میخانه بدید در پرتو آن حریم میخانه بدید
خوش و قلی اوادمدرکه میخانه نک قوقوسنی آلوب او رانحه می
تعقیب ایدرک کیدوب میخانه یه یتشدی و میخانه محله سندن بر شمشک
ظهوره کلدیده اوضیانک دلالیه حریم میخانه بی کوردی

۵

ولم یبق منها الا دهر غیر خاشاشه کان خفاها فی صدور النبی کتم
(خشاشه) خانک ضمیمه بقیه روحدر . (نهی) عقل معنانه
اولان نهیه ، نک جمیدر . نالائق اولان شیلردن نهی ایتسی اعتباریه
عقله ، نهیه ، دنیلمشدر . ، (الکتیم) کتمان کبی کیزله مک معنانه
باب اولدن مصدر اولوب بورده مکتوم معنانه در . (منها) ضمیری
مدامیه و (خفاها) ضمیری خشاشه یه راجعدر و مدامه ، یه راجع
اولسی ده نمکندر (کان خفاها) جمله سی ، خشاشه نک صفتیدر و جمله
تانیه جمله اولی نک مضمونی مؤکددر (صدور) ک (النبی) یه اضافی
یا ، صدور ذوی النبی ، تقدیرنده اوله رق خذنی مضافه منی و یا خود استعاره
بالکنایه قیلندندرکه نهی ، احجاب صدور تشبیه ایدلش و مشبه بهک
لوازمندن اولان صدور ، نهی ، یه اثبات ایدلشددر .

بیور بیور که مصرف روزگار ، محول لیل و نهار ، اوشرا بدن
— که جانلرک جانی و جانلرده اونک ابدانی مثابه و منزله سنده در —

بقیه روحدن بشقه برشی باقی برافامشدر . مع هذا اولنك اصحاب نهی صدورنده کی اختفاسی ده صانکه مکتوم وپنهان اولمشدر .

وباعیه

فریاد و فغان که باز درکوی مغان می خواره زی نه نام باید نه نشان
زانکونه نهان کشت که بر خلق جهان کشتست نهان کشتت اونیز نهان

فریاد و فغان که می خواره ، کوی مغانده شرابدن نام و نشان
بوله میور اوت شراب بللی اوله جق بر صورتده کیزلنه مشدر بلکه اولنك
کیزلنسی ده خلق جهان اوزره کیزلی اولمشدر .

« لامعه » حق سبحانه و تعالی حضرت تلمینک اسماء متقابله سی اولوب
هر برینک احکام و اناری ظهوری حسیه بر دولت و سلطنتی وارد که
اولنك نوبتی کلدکه کنندی احکامی ظاهر و مقابلنك احکامی باطن و یا
بالعکس اولور . بونك هبسی جناب حق علم شاملی ، حکمت کاملی مقتضاسیه
اولوب کنندی موقعنده هر بری غایت کمال و نهایت جمالده در .

رباعیه

کر جلوه دهی طلعت ازماه فره ورشانه زنی طره پرتاب و کره
ور همچون کال کتی خم ابروزه حفا که بود جله زیکدیگر به

ایسترمای سبق ایتمش اولان یوزک کوستر کرک بوکلی زلفکه
طاراق اور ، ایستراوقه کیریشی کچریرجه سنه قاش حیات حفا که
بونلرک جله سی یکدیگرندن ایی در . مابعدی وار

مدرس کمال الدین خرپوتی

تفرقه اخوان موجب تقویه عداوتدر

عجیا پیران طرق علیه نك هانکیسی دینده بر مجتهد قدر عالم دکل
ایدی ؟

عجیا ائمه مجتهدینك هانکیسی برر بیر طریقت کبی عارف بالله دکل
ایدی ؟ عجیا بونك عکسنی ادعا ایدن بولنوبیلورمی ؟ شریعتله طریقتی
بشقه بشقه کورمک و واحد حقیقی بی ایکی به آیرمق و علمانی بشقه
مشایخی بشقه کوسترمک امت مرجومه بی ایکیله که سوق ایتمکدن و
یکدیگرینه قارشو خصومت تولید ایلمکدن بشقه نهیه یارادی و نهیه
یارده هجقدر ؟

شریعت مخدوم و طریقت آنک خادمدر اوت بتون پیغمبرلر شریعتله
مأمورددر علماده ورئه انیادر فقط شریعتک اینجه لکی اولان طریقتله
عمل ایدن علمای کرام حضراتنك عمومی مرشد کلامدرلر مجتهدین
کرام حضراتنك مناقبرلی مطالعه ایدیلرک و مطالعه عمیق و تدقیق
اجرا ایدیلورسه آنلرک برر طریقت پیرلری اولدقلری میدانه حیقار
ذوالجناحیندرلر سندلری میدانده در معنأ برر مرشد انتسابلری خصوص
صنده معارضه ایدلسده اویس اولدقلرنده شبهه یوقدر امام غزالی ،

سید شریف جرجانی ، ملا جامی ، نابلسی ، شعرانی خادمی و بونلرک
امثالی علمای ذوی الاحترام حضراتنك شریعتله اولان خدمتلری منکر
میدر ؟ عجیا بونلر طریقتله منتسب اولدقلری چون علملرنده نشرلرنده
تقصانی وار ؟ یوقسه او انتسابلری یوزندنمی فیض عامی ترید
ایتمشدر ؟ بونك جوانی حضرت غزالینك (المتفض من الضلال) نام
رساله سندن آلکنز .

سید شریفک اوقدر علمیه برابر خواجه علاء الدین حضرت تلمینک
خایه سنه انتساب ایتدکدن صکره (اگر جناب علاء الدین ملاق اولمه ایدم
تو حیدک معنای حقیقیسی ادراک ایدم میوردم) بیورمش اولمسندن ده
دها واضح جوابی آراز ؟

جناب عبدالقادر کیلانی ، امام حسن شازلی ، مولانا جلال الدین رومی ،
سید احمد الرفاعی ، شیخ محی الدین عربی ، شاه نقشبند محمد بهاء الدین
البخاری حضراتی کبی بتون پیران طریقت جهانلری طولیدر علوم
و آثارلریله برابرینه برر ائمه مجتهدین حضرتنك مذاهب اجتهدیه سنه
تبعیت ایتمش اولملرندن دها بیوک اتحاد و اجتهدی بولنه بیلور ؟

شریعت و طریقتی آیری کورده جک قدر عوام مؤمنینک دوشمش
اولدینی جهالت دینیه یوزندن حاصل اولان وخامت نتیجه بتون
عربانقلریله میدانده در . شیرازه دینک بوزولسی و بالنتیجه
جهلات اساسات دینیه اوزرینه هجوملری بورادن نشئت ایتمکده در
بزلر کنندی دین و شریعتنک بتون اینجه لکلرینی برریمزه دوشمک
ودینده جهالتی تعمیم ایتمک و علمای شریعت و ارباب طریقت بشقه
بشقه اولق سوزلریله امتی ایکی به و ایکیله که نهایت کثرت مضاعفه به
آیردق دائرة تفرقه بی توسیع ایتدک عوام ، علمانی علماده عوامی ترک
ایندی اورته ده افراط و تفریط جوغالدی بونك سؤ تأثیری یوزندن
شریعتک اینجه خدمتلری ترک ایدلدی تقایدن بشقه برشی قالدی

« ستفرق امتی الخ » حدیث جلیلنك مضمونی وجهله
ایشته تشتت طرق مذاهبک عن قصد و یا خود عن جهل سؤ استعماله
او غرامه سننک نتیجه سی تفرقه و تفرقه نك نتیجه سی خصومت و آنک
تولید ایتدیکی ضعفیت دینیه اولدینی میدانده در ، امام ربانی حضرت تلمینک
تقریباً بیک قیرق تاریخلرندن صکره هند شهنشاهنه یازدینی مکتوب
عالینک مفادی اولانجه آجیایله دها اوزمان و چوق کچمه دن ظهور
ایتدیکنی و هندستانک انکلیز استیلا سنه معروض قالدینی اربابی بیلور
بونلرک بتون سبیلری مؤمنلرک یکدیگرینه عن جهل ایضای خصومتیدر
بوده مذاهب و طرائقک سوء تلقیسی یو زندندر او زمانک موده سی
بشقه بو زمانک روش و حرکاتی ینه بشقه در . مجتهدلری مسک
شیطانلرنده نقض یوزی کوستریورلر آنلرده بیلورلرکه بر ملتک
بر انسان کتله سننک بتون بتون درکه حیوانیه به دوشرک دیندن
قطع علاقه ایتمی اولا پرده حیا و ناموسی بیرتسیله باشلايه جقدر
ایشته بونك ایچون درکه آداب و ناموس اسلامیه نك برنجیسی و بلکه